

ՎԵՐԱՐԺԷՔԱՀՈՐՈՒՄ

«Ի հպել նորա նմանող լինի նմա»
(Խմաստութիւն Սողոմոնի, Դ.2)

Մեսրոպ Մաշտոցի եւ Սահակ Պարբերի գործի դրդապատճառները, դերը եւ յարածիք նպատակը ամբողջութեան մէջ նաևաչելու համար տարրեր փորձեր են արուել: Դրանք կանխակալ ըմբուղութեան պայմաններում յանախ յարմարցուել են ուսումնասիրողների նիւթականացուած պատկերացումներին:

Գրականագիտութիւնը շատերի շարքում Մաշտոցին եւս ներկայացրել է հիմնականում որպէս լոկ գիտնական՝ սահուն կերպով յետին պլան մղելով նրա հոգեւոր գործութեաւթիւնն ու դիմագիծը՝ իբրեւ ներելի միքուլութիւն: Այլ խօսքով՝ եերանում է նրա վարդապետական հոգեկերտւածքի ամենաէական կողմը եւ խանգարում՝ հանճարի աշխարհայեացի օգնութեամբ ազգային գերխնդիրների խորքային շերտերը հասկանալուն:

Անաշառ ուսումնասիրութեան համար կը փորձենք հաշուի նստեթէ՝ գիտական, թէ՝ հոգեւոր պատմագրութեան ու գրականութեան հետ:

Ըստ աշխահիկ պատմագրութեան (օտար աղբիւրների եւ Մ. Խորենացու վկայութիւնների) 384 թուականին Հայաստանի քագաւորութիւնը բաժանում է երկու մասի՝ ենթարկուելով Բիւզանդիային եւ Պարսկաստանին: Բիւզանդիական մասում գտնուող Բարձր Հայքի նախանգը, Պապի որդի Արշակ քագաւորի մահից յետոյ (387) սկսում է կառավարուել յոյների կողմից նշանակած կոմսերի կողմից:

Պարսից բաժնում Շապուհ արքան հայոց քագաւոր է նշանակում Արշակունի Խոսրովին (384-387), որի օրօք կաթողիկոս է ընտրում Ներսէս Մեծի որդի Սահակ Պարբերը (387):

Նրա մասին Մ. Խորենացին գրում է. «...Մշտնշենաւոր պաշտմամբ կատարէր զկանոնն, որպէս զայնս, որք յանապատս էին, եւ հոգայր զաշխարհս, որպէս զայնս, որք յաշխարհի են»:¹

Փաստագրութեանը գուգահեռ՝ ընթանում էր նաեւ տեսիլային պատմագրութիւնը, որը դիտում էր առաջատար եւ ազդում գործողութիւնների ընթացքի վրայ:

Լինելով ժամանակի մեծագոյն մտաւորական կրօնաւորներից մէկը՝ Մաշտոցն անշուշտ, քաջատեղեակ էր թէ հնագոյն ու վաղ միջնադարեան ողջ մշակոյթին, թէ՝ մարգարէական ու տեսիլային գրականութեանը, թէ՝ պատմագրութեանն ու ժամանակի գիտութիւններին: Եթէ այսօր՝ տասնեակ դարեր յետոյ, մեր մէջ սկսել է հետաքրքրութիւն արքնանալ Գրիգոր Լուսաւորչի, Ներսէս Մեծի, Սահակ Պարբերի, Մեսրոպ Մաշտոցի, Մովսէս Խորենացու մարգարէական կանխատեսումների հանդեպ, ապա նրանց ապրած ժամանակում այդ յայտնութիւնները պէտք է որ

¹ «...Եկեղեցական պաշտամունքների կանոնը անխափան կատարում էր անապատականների նման եւ մեր աշխարհի հոգու քաշում էր աշխարհականների նման» (Մ. Խորենացի, Պատմութիւն Հայոց, Երեւան-1981, էջ 39-95):

բնիկալուէին՝ իրրեւ անհերքելի, բայց դեռ սպասուող իրողութիւններ՝ ժամանակից դուրս:

Հարկ ենք համարում տեսիլային պատմագրութիւնից բերել օրինակներ, որոնք նախորդեցին եւ զուգադիպեցին Հայաստանի երկ-փեղկման, Արշակունեաց քագաւորութեան անկման եւ Գրիգոր Լուսա-տրչի տոհմի Քահանայապետութեան աւարտին:

Տիրան քագաւորը 348 բրածեծ անելով՝ սպանեց Յուսիկ կարողիկոսին: Վերջինիս որդիները չուզեցին յաջորդել հօրը եւ երաժարուեցին հայրապետական պատուից: Տիրանը գանին առաջարկեց Դանիէլ քորեպիսկոպոսին: Սա ոչ միայն մերժեց, այլև ծանր նախատինեներ տուեց հայոց աւագանուն եւ, մասնաւորապէս, Տիրան քագաւորին ու շեշտեց, որ Գրիգոր Լուսատրչի ժառանգին սպանելու եւ երեաների կատարած բռնոր չարագործութիւնները կրկնելու պատճառով կարև ժամանակ անց՝ Արշակունեաց քագաւորութիւնը եւ Լուսատրչի սերնդի Քահանայապետութիւնը կը դադարի գոյութիւն ունենալուց, իսկ ժողովուրդը ու իր երկրի սահմանները նսրայէլի նման ցրիւ կը գան, կը մատնաւն օտար թշնամիների ձեռքը, ու դա կը տեսի շատ երկար. սորկութեան լուծը դարեր չի վերանայ ու չի պակասի:

Այս ծանր կանխասացութիւնից յետոյ Տիրանը ծերունազարդ Դանիէլ կարողիկոսին խեղդաման է անում: Իսկ երկու տարի անց, երբ Տիրանին պարսիկները կուրացնում են, խոստովանում է իր յանցաւութիւնը եւ վկայում, որ նրա կանխատեսումները սկսել են իրականանալ:

Տարարախտ վախճան են ունենում նաեւ նրա յետնորդները՝ Արշակ երկրորդը, Պապը...

Գնէլի սպանութեան համար Արշակին յանդիմանելիս՝ Ներսէս Մեծը եւ նոյն կանխատեսումն էր արել, թէ Արշակունիները կը խմեն արքեցման եւ կործանման վերջին քաժակը: Այդ մասին մանրամասնում է Փաւատոս Բիզանդը:

Այս դեպքերին յաջորդում է Սահակ Պարբեկ յայտնի տեսիլքը, որը տրուել էր նրան, ըստ իր վկայութեան, դեռեւս եպիսկոպոսական ձեռնադրութիւնից առաջ եւ ուր հաստատում են նախորդ մարգարեւթիւնները. «...լու՛ր ստուգապէս, զի լուսց մերձ ընդ քագաւորութիւն յազգեղ Արշակունեաց, եւ Քահանայութիւն ի ցեղէ արժանաւոր Քահանայապետին Գրիգորի...ծանիր հաւաստեալ, զի մերձ յերեւումն պղծոյն անապատի՝ դարձեալ յառնէ քագաւոր յազգեղ Արշակունեաց, եւ նորոգի արռո հայրապետութեան ի շառաւէլ Սրբան Գրիգորի»:²

Պէտք է կարծել, որ այս բռնոր անցուղարձին Քաջածանօթ լինելով եւ իր ուսուցչին լաւ նաևաչելով է, որ Մովսէս Խորենացին զուսպ, բայց խորիուրդաւոր ձեռով գրում է Մաշտոցի՝ արքունիքից հեռանալու փաստի մասին՝ որպէս թէ իր հիացմունքը յայտնելով, թէ Մաշտոցը հեռացել է աշխարհիկ ասպարեզից նիշտ ժամանակին՝ հոգեւոր զինանոց

² «...լուիր եւ նշմարտապէս իմացի՛ր, որ շատ շուտով պէտք է լոեն Արշակունեաց տոհմի քագաւորութիւնը եւ Քահանայութիւնը՝ արժանաւոր Քահանայապետ Գրիգորի տոհմից...իմացիր, որ անապատի պղծի երեւալու մօտ դարձեալ պէտք է քագաւոր ելնի Արշակունեաց տոհմից, եւ պիտի նորոգուի հայրապետական արռող Սուրբ Գրիգորի շառաւդի կողմից» (Ղ. Փարպեցի, Հայոց Պատմութիւն, Երեւան-1982, էջ 76-79):

ստեղծելու վճռական եւ երկնամերձ նպատակադրմամբ. «Տեսեալ, թէ վերջ հասեալ է քագաւորութիւնն Հայոց, եւ զխովուրիւնն նիւթ իւրոյ համբերութեանն գտեալ Մեսրոպայ...սա սիրեաց զմիայնակեցութեան վարս. որպէս ասաց ոմն, թէ ի նաւահանգիստ փութայ նաւ խոռվեալ, եւ անձն ժուժկալ խնդրէ զանապատ. նոյնպէս եւ նորա փութացեալ յաշխարհական գրադմանց եւ ընկեցեալ յետս մարմնական պատիւն՝ զիետ ընթանար Երկնաւորին»:³

Եթէ դատելու լինենք արդի գրաքննադատութեան դիրքերից, կարեի է կարծել, թէ Մաշտոցը փախուստ տուեց իրականութիւնից, թերացաւ պայքարի մէջ: Բայց նրա գործի արդիւնքը լրիւ եակառակն է ապացուցում:

Վարքի նոյն դրսեւորումն տեսնում ենք նաև Սահակ Պարթեի մօտ. արհամարանք դիւրին կեանքի նկատմամբ՝ յանուն քչերի կողմից ըմբռնելի խորքային ու առանցքային արժեքների. «Այսպէս, Մեծն Խահակ արհամարեալ գեայրենի պայազատութիւն Պարթեազանց, ընտրեաց զեկեղեցական անփառութիւն. եւ Սուրբն Մեսրոպ լինալ զարքունի գործակալութիւն, առանձնացաւ անապատ>⁴, - յետագայում գրում է Միջիրաբեան միաբանութեան եռգերական, շարականագէտ Գարբիկ Աւետիքեանը:

Մաշտոցը (ըստ վարքագիր Կորիւնի, Մ. Խորենացու եւ այլոց) դարձաւ անապատական այր, որպէսզի իր ողջ ջանքերն ու բազմաժամանակայ մտածութիւնն ուղղի մի նպատակի, որը տեղատութիւն ապրող ժողովրդի համար կ'ապահովէր յաւիտենական լինելութիւն՝ տալով յարամնայ պայքարի եւ գոյութեան զօրեղ առեաւատչայ: Իսկ դա Աստուածաշունչ Մատեանն էր, որ հայ մարդու սափական էութիւնը դարձնելու համար՝ գիր էր պէտք: Եւ այն պէտք է ստեղծուէր՝ որպէս միջոց, քայլ՝ համազգային բաղանքների սրբագործման երկար հանապարհին:

Այդ տարիներն էր, որ աքսորեցին Մեծն Յովհան Ոսկերեանին, որ այդ պատճառով Բիւզանդիայի մայրաքաղաքում յուզումներ ծաւալուեցին. պատերազմում էին իրարու եւ պարսիկների դէմ:

Խորենացին գրում է, որ պարսից Վոամ արքան հայոց քագաւորին՝ Վոամշապուհին, կարգադրում է՝ գնալ Միջագետք եւ երկու կողմերի վեհերը վճնող: Վոամշապուհը նարտար քարգմանի-քարտուղար չունենալու պատճառով դժուարութիւնների է հանդիպում, քանի որ

³ «Տեսնելով, որ հայոց քագաւորութեան վերջը հասել է, խոռվութեան մէջ համբերելու նիւթ գոնիելով՝ Մեսրոպը...սիրեց մենակեացի վարքը, ինչպէս ասել է մէկը, թէ ալեկածուած նաև շտապում է նաւահանգիստը, իսկ ժուժկարաղ մարդը անապատ է փնտուում. նոյնպէս եւ նա աշխարհային գրադմունքներից փախչելով եւ դեն զցերով մարմնական պատիւր՝ ընթանաւմ էր Երկնաւորի ետեւից» (Մ. Խորենացի, Հայոց Պատմութիւն, Երեւան-1981, էջ 388-89):

⁴ «Այսպէս Մեծն Խահակը արհամարեց հայրենի Պարթեական ազնուական ժառանգութիւնը, ընտրեց եկեղեցական անշուրթիւնը, եւ Սուրբ Մեսրոպը լից արքունական գործակալութիւնը, առանձնացաւ անապատ» (Գ. Աւետիքեան, Քացարութիւն Շարականաց, Վենետիկ-1814, էջ 550):

պարսկական գիր էր գործածում: Մաշտոցն արդէն հեռացել էր արքունիքից եւ մենակեցութեան տրուել Գոռըն գաւառում:

Վերադառնալով Հայաստան՝ Վուամշապուեր տեսնում է, որ Սահակ Պարքեւը եղիսկոպոսական ժողով է գումարել՝ հայերէն գրեր ստեղծելու մտադրութեամբ: Մինչ այդ՝ հայոց արքային Միջազգեստում արդէն Յարել Քահանան առաջարկել էր Դանիկի մօտի գրերը:

Սահակ Պարքեւը եւ Մեսրոպ Մաշտոցը մտնում են Վուամշապուերագաւորի մօտ, խրախուսում եւ ընդգծում են սպասաւելիք գիւտի անկորնչելի արժեկը՝ ասելով. «Ճեպիս յաղագս մեծ եւ օգտարեր աշխարհիս Հայոց գիւտիս այսորիկ ի ժամանակս քո, որ շատ աւելի առ յապայնս բերէ քեզ շահ, յիշատակ անմոռաց եւ օգուտ երկնաւոր վայելից, քան զիշխանութիւն բագաւորութեանդ քո, եւ կամ որպէս յառաջ քան զեեզ նախնիքդ որ էին յազգէն Արշակունեաց»:⁵

Դատելով այս մեծ ոգեւորութիւնից եւ երկնային վայելքների յորդորից՝ պէտք է ենթադրել, որ Սահակ Պարքեւը իր տեսկիլին հաւատում եւ ընթացք է տալիս, ուր բացայատ ակնարկներ կան ոսկէ դարի, գրի եւ նրանց խորհրդաւոր դերի մասին. «Եւ ի վերայ սկուտեղն կար...մագաղաք հատուածանել չորեկուսի, գրեալ ի սկզբանն կարգս ինչ սակաւ՝ ոսկետեսիլ գրով սփանչելապէս, իբր թէ ձեռամբ գրչի նարտարի. եւ ի միջոյ կողման մագաղաքի, յեռի ոսկեգիր կարգացն, երեւէին այլ կարգք ինչ եղծեալք չնշագիրք, որոց ոչ ինչ քնար երեւէր տեսիլ գրոյն եւ կամ կերպարան: Եւ հուսկ մագաղաքին, հեռի ի չնշագիր կարգացն, դարձեալ տեսանեի այլ եւ կարգ մի եւ կէս կարգի, գրեալ ոսկեգիր գրով առաւել սփանչելապէս, ըստ տեսայ առ աշին կարգացն գրելոց ի սկզբանն մագաղաքին: Եւ կիսագիր կարգին մինչեւ ցմիջոց գրոյն՝ եւս առաւելագոյն էր ոսկեով, եւ այլն կարմրաղեղով էր»:⁶

Իսկ տեսիլի մեկնութեան մէջ ասում է. «Եւ մագաղաքն հատուածանեւ, որ ցուցաւ քեզ գրեալ ի սկզբանն կարգս ինչ ոսկեղէն գրով՝ զանադրութիւն արանց սրբոց եցոյց քեզ շնորհք Հոգույն Սրբոյ, որ ի գաւակէ երանելոյն Գրիգորի՝ յաջորդեսցեն արժանապէս զարոն Քահանայապետութեան. նոքա են արք ընտիրք, գրեալ ոսկետեսիլ գրով ի դպրութիւն Կենաց»:⁷

⁵ «Ծուապի՛ր, որ քո ժամանակում լինի Հայոց աշխարհի համար մեծ ու օգտարեր այս գիւտն, որը ապագայում քեզ պիտի բերի առաւել մեծ շահ, անմոռաց յիշատակ եւ երկնային վայելքների օգուտ, քան քո բագաւորական իշխանութիւնն է քան քեզանից եղած քո Արշակունեաց տոհմակից նախնիները» (Ղ. Փարպեցի, Հայոց Պատմութիւն, Երեւան-1992, էջ 32-33):

⁶ «Եւ սկսուածի վրայ կար...քառակաւսի կտրուած մի մագաղաք՝ սկզբից մի քիչ, որպէս նարտար գրչի ձեռքով գրուած ոսկեգելով գրով, սփանչելիօրէն շաղագուն, իսկ մագաղաքի միջի ոսկեգելով գրից հեռու երեսում էին մի քանի տաղ եղծեալ իսկ մագաղաքի միջի ոսկեգելով գրից հեռու, դարձեալ տեսնում էին մէկ ու կէս մագաղաքի վերջում՝ չնշնգիր տողերից հեռու, դարձեալ տեսնում էին մէկ ու կէս տաղ՝ գրուած ոսկենախօ տառերով, առաւել սփանչելի՝ մագաղաքի առաջին տողերի գրերի նման: Եւ մինչեւ այն կիսատ տաղի մէշտեղը դարձեալ ոսկեգոյն էր, նրանից դեմք՝ կարմրաղեղով» (Ցոյն տեղրամ, էջ 68-69):

⁷ «Եւ մագաղաքը հատուածանեւ, որ քեզ երեւաց սկզբում մի քանի տաղ գրուած ոսկեղէն գրով, նշանակում է Սուրբ Հոգու շնորհած արժանաւոր այն մարդկանց

ի՞նչ լեզուով էին ոսկէ գրերը: Տեսիլքի շարադրանքը և պատմագիրը լոռում են այդ մասին: Բայց դժուար չէ կուահել, որ դրանք հայերէն էին: Յաւելենք, որ Ուկեղարի գրերի ընտիր այրը՝ Մաշտոցը եւ Ս. Գրիգորի տոհմից էր եւ Ս. Սահակ Պարքեւի մահից յետոյ կարողիկոսական գործերում փոխարինեց մեծ կրօնաւորին և վախճանուեց նրանից վեց ամիս անց:

Յիշենք, որ չնայեած Ս. Սահակ Պարքեւը մինչեւ իր մահը նաևն չունեց եւ ընդունուեց՝ որպէս Հայոց կարողիկոս, բայց Պարսկաստան կանչուելով գահընկէց էր արուել դեռեւ 428 թուին՝ Հայոց քագաւորի դէմ ապստամբած նախարարներին չմիանալու պատճառով: Նրան յաջորդող երեք հակարռո կարողիկոսներից հիասրափուած նախարարները, երբ 437 թուին քազում քախանանեներով դիմում են Ս. Սահակ Պարքեւին, նա մերժում է ու ասում. «Երբայք յինէն ի բաց...մի՛ բռնադատէք միսիթարել զիս ի վերայ բեկման ժողովրդեան իմոյ: Վասնզի զանցս աղէտիս այսորիկ յառաջ քան ձեռնադրեն զիս յեպիսկոպոսութիւն՝ եցոյց ինձ վերին կանխասացութիւն, գիտելութիւն յանուրջս, ըստ օրինակի մարգարեական տեսլեանն, որ ցուցաւ Սուրբ նահատակին Գրիգորի, գիտութիւն իրաց առ ի յապայ եղելոց»:⁸

Ապա ներկայացնելով պատմութեանը քաջ յայտնի տեսիլքը՝ գահ չվերադառնալը հիմնաւորում է հենց դրանով, ըստ որի՝ իրենով աւարտում է Լուսաւորչի տոհմի քահանայապետութիւնը, եւ դարերի լոռութիւնից յետոյ միայն (ինչպէս յիշատակուեց) Սուրբ Գրիգորի շառաւղից պիտի նորոգուի հայրապետական արողութ:

Այս հիմնաւորումը ուշագրաւ երեւոյք է եւ արժանի է լուրջ ուսումնասիրութեան:

Առանց զանք քափելու էլ նկատում ենք, որ այս մարգարեութեան հեղինակը ոչ թէ ելու նակատագրապաշտ է, այլ դժուարին մաքառումներից չերկնչող առաջնորդ, որ նայում է դարերի միջով եւ անկեղծօրէն մտահոգուած է իրենից յետոյ եկողների համար:

Ունենալով խորերդաւոր բռվանդակութիւն՝ տեսիլային գրականութեան եւ պատմագրութեան այս հազուագիւտ նմուշը եւս միւսների պէս մնացել է չլուսարանուած՝ չնայեած իր մէջ քագնում է անպարագրելի հարստութիւն:

Մեզ չի յաջողուել նշտել, թէ առաջինը ով է Ուկեղար անուանել հայոց 5-րդ դարը, բայց, ինչպէս նկատում ենք, դրա պարզ ակնարկը եւս կայ 4-րդ դարի երկրորդ կեսին ենթադրուող այդ տեսիլքում:

Նախկինում անդրադարձել ենք Ուկեղարի եւ դրա կայացման մէջ հայատան Աստուածաշունչ մատեանի դերին:

Ճեմնադրութիւնը, որոնք երանելի Գրիգորի տոհմից արժանապէս պիտի յաջորդեն քահանայապետութեան արողուն: Նրանք ընտիր մարդիկ են՝ Կեանքի Գրքում գրանցուած ոսկեղէն գրով» (նոյն տեղում, էջ 78-79):

⁸ «Հեռացէք ինձանից...Մի՛ ստիպէք, որ ես միսիթարուեմ իմ ժողովրդի կործանման վրայ, որովհետեւ այս աղէտի անցքերը դեռեւս նպիսկապատութեան ձեռնադրութիւնից առաջ ինձ ցոյց էր տալի Վերին կանխագիտութիւնը, որ մարգարեական տեսիլքի օրինակավ երեւաց Սուրբ նահատակ Գրիգորին՝ հասկացնելով այս իրարտիւմը, որ ապագայում է լինելու» (նոյն տեղում, էջ 64-65):

Ուզում ենք շօշափել նաև շարականների խնդիրը, որը մեզ պակաս կարեւոր չի բռնում:

Եթէ մի կողմ բռնենք «շարական» բառի արեղեանական եւ այլ ստուգարանութիւնները (որոնք լոկ բառային են), ապա իմաստային ստուգարանութեան համար բարականին հետաքրքիր նիւթ կը գտնենք դարձեալ Ս. Պարբեսի կանխասացութեան մէջ. «...կայր Սեղանն ոսկի ի պատուական ականց ընդելուզեալ- Սրբայ նրբորդութեանն ծանուցանի միասնականութիւնն, որ զվարս եւ զնգնութիւն արդարոցն, որպէս զպատուական ականց զանազանումն առ ինքեան տպաւորեալ զուարժացուցանէ»:⁹

Այս է վկայում նաև շարականի հատուածը, որը նաև կարելի է դիտել որպէս իւրատիպ մեկնարանութիւն.

Թագ պարծանաց Արշակունեաց կազմեալ.

առաքելական վարուժ տէր Գրիգորիոս.

յօրինեցար բազմագոյն ակամք

հանդիսից նահատակութեան.

վայելուշ պառկ եիսեալ

Սուրբ Ծկեղեցւոյ»:¹⁰

Գտնում ենք, թէ այս նմուշներն էլ բարական են, որպէսզի հասկանանք, որ միջին դարերում եկեղեցական մեր մտաւորականները նահատակութեան հանդէսը եւ սրբերի վարքը նկատում էին՝ իրեւ բանկագին քարերի շարք, որն ընծայաբերում էր Սուրբ Նրբորդութեանը՝ իր եկեղեցու միջնորդութեամբ։ Եւ դա հոգեւոր երգերով էր արտաքնանում։ Ուստի պէտք էր վաւերացուէր առաւել դիպուկ անուանմամբ՝ «շարական», ուր կենդանի գիրը՝ բանաւոր Պատարագը անարատ ու ճգնական զոհաբերութիւնն է. դրան աշխարհիկ հանոյքները չեն խառնում։ Անձը՝ եսը սրբորէն է մեռած՝ ինչպէս մագաղաք, բայց եւ կենդանի է՝ ոսկէ գրեթե լցուած մագաղաքի պէս։

Ընտիր քարերի շարքը հանդիպում ենք Հնգամատեանում, Եսայու գրքում, Յովհաննու Յայտնութեան մէջ, Նարեկացու Ողբամատեանում... գրքում,

Սատուածաշնչում յատուկ նպատակով մասնաւորում են ընտիր քարերի եւ նրանց շարքերի անուանումները (ըստ որում՝ անփոփոխ հերթականութեամբ)։ Լանջապանակի՝ ոսկով ընդելուզուած տասներկու քարերը հսրայէլի տասներկու ցեղերի անուններով էին։ Եւ դա զարդարում էր Սուրբ Խորան մտնող քահանայի կուրծքը։

Լայն լուսաբանումը բռնելով յետագային՝ դարձեալ դառնանք առաջին թարգմանիչներին, որոնց շարականներում յստակ ուրուագծուում է նրանց ճգնական սուրբ վարքը։

Ահա Մաշտոցի ապաշխարութեան շարականներից մի նմուշ։

Յամենայն ժամ աղաչանի իմ այս են.

⁹ «Կար պատուական քարերով ընդելուզուած ոսկէ Սեղան, որ ցայց է տակիս Սուրբ Նրբորդութեան միասնականութիւնը, որը սրբերի վարքն ու ճգնութիւնը, որպէս պատուական քարերի տարրերութիւններ իր վրայ առնելով՝ ուրախացնում է» (նոյն տեքում, էջ 74-75):

¹⁰ «Տարական, Ս. Վարդան երատ. 1986թ. էջ 266, Կանան Սրբ. Գրիգոր Խուսաւորչի մուտք ի Վիրապն»: (Տարականների կառոյցը չխախտելու համար ձեռնպահ ենք մնում դրանց բարգմանութիւնից):

Ի մեղաց իմոց սուրբ արա զիս, Տէր:
Յանցանաց իմոց զարկուրի սիրտ իմ,
աղաչեմ զթեզ, բռդ ինձ, Տէր:
Արտասուաց իմոց մի՛ լուր, Տէր,

զի պանդուխտ եմ ես յանցաւոր երկրի:¹¹

Մեղանչած կը լինենք Մաշտոցի դեմ, երէ կարծենք, թէ նա նման շարական գրելիս՝ ներքուստ վստահ չեր իր գրածի անկեղծութեանը: Պարզ եւ բազմաշերտ տողերում բացւում է նրա զգայուն, մեղսագիտակ եւ ազնիւ եռթիւնը, որը չի ճգուռմ տիրանալ անցողիկ երկրին՝ իրեն եւ դիտելով որպէս անցողիկ եւ օտար: Մեծ կատարելութիւն, ուժ եւ դիտելով որպէս ապրելու, անդուլ գործելու եւ զոհաբեր- ւելու այդ ձեռով, որպէսզի դպրոցներում, Ծկեղեցում ձեւաւորուէր ազգը եւ ըմբռնէր անցեալին դէպի ապագայ ճգուռդ իր երթի կարեւորութիւնն եւ իմաստը: Դրա համար ստեղծելով գիրը՝ նա ոչ միայն Սուրբ Գիրքը բարգմաննեց եւ գրեց շարականեներ՝ ուսուցման եւ Առաքելական Ծկեղեցու համար: Այլ նաև «...սկսեալ երանելոյն Մաշտոցի հառու յանախացու համար: Դիւրապատումս, շնորհագիրս, բազմադիմիս ի լուսաւորութենէ եւ ի հիւրոյ գրոց մարգարեկականաց կարգել եւ յօրինել, լի ամենայն հաշակօֆ Աւետարանական հաւատոցն ճշմարտութեան»:¹² Ու դրանով նա, Սահակ Պարքերի հետ միշտ միարան, պայքարում էր աղանդների եւ ուսուցման համար ոչ պիտանի սնուտի գրականութեան դեմ եւ արմատախիլ անում դրանք:

«Եւ զայս առնելու զամենայն ժամանակս իւր՝ վասն անձին եւ վասն աշխարհի. քանզի սպոր իսկ են ճշմարիտ վարդապետք՝ զանձանց առաքինութիւնն կանոն աշակերտացն դնել»:¹³

Այս ամենով հասկանալի է դառնում գրի գիւտի անգնահատելի դերը: Իսկ թէ դա որքան է կարեւորուել դարերի մեջ, երեւում է նաև վարդան Արեւելցու հեղինակած շարականեներից:

Որք զարդարեցին տնօրինաբար զիմաստս Անեղին՝
հաստատելով յերկրի զգիր կենդանի՝
հովուել զհոս նոր Խորայելի՝
երգով քաղցրութեան ենշմամբ զԱստուած օրինեսցուի:
...Որք զօրութեամբ Հօր իմաստութեան էին Անեղի՝
հաստատեցին զարռոն Սրբոյն Գրիգորի՝
բարգմանութեամբ նշանագրութեան.
Երգով քաղցրութեան ենշմամբ զԱստուած օրինեսցուի...
...Որ խորերդեամբ Ճշմարիտ Լուսոյ փառաց Անեղին
նկարագրեցաւ մեզ գիր կենդանի
յարգանդ մաքուր մեծին Մեսրոպայ,

¹¹ Նոյն տեղաւմ, էջ 205, Կանոն Երրորդ Կիւրակեի Աղուացից:

¹² «Երանելի Մաշտոցն...սկսեց կարգել եւ յօրինել յանախագրյն, դիւրապատում, շնորհագիր, բազմադիմի նառեր՝ մարգարեկան գրեթի լուսաւորութիւնից եւ հիւրից՝ Աւետարանական ճշմարիտ հաւատի ամէն նաշակներով լիքը» (Վորին, Վարք Մաշտոցի, Երեւան-1941, էջ 78-79):

¹³ «Եւ այս անում էր իր ամրող կեանքում իր անձի եւ աշխարհի համար: Որպիետեւ ճշմարիտ ուսուցիչներն իսկապէս սպօր են իրենց առաքինութիւնները աշակերտների համար օրինակ դարձնելու» (նոյն տեղաւմ, էջ 82-83):

անմատոյց լուսոյն երկրպագեսութ:
 Նմանեալ Սովուսի, տէր վարդապետ,
 բերելով զգիր օրինաց ի Հայաստան աշխարհ։
 որով լուսաւորեցան ազգ որդւոց Յակոբայ։
 Արդ, աղաշեմք զբոյին եեզութիւնն. տէր վարդապետ,
 բարեխօսեա առ Հայր ի յերկինս՝
 վասն քո տօնողաց։
 Քանզի քեւ լուսաւորեցան

մանկունք Սուրբ Եկեղեցոյ».¹⁴

Մաշտոցը համեմատում է Սովուս մարգարէի եետ, որը երեական տասներկու ցեղերի առաջնորդն էր եւ որին վիճակուել էր՝ 430-ամեայ եգիպտական գերութիւնից ազատելու իր ժողովրդին եւ 40 տարի առաջնորդելու Սինայի անապատով՝ դեպի Աւետեաց երկիր։ Դրա համար Սինա լեռան վրայ ստացաւ տասը պատուիրանեերը՝ Աստծոյ ձեռամբ գրուած։ Եւ քարե տախտակների վրայ բերեց իր ժողովրդին։

Ռամզէս երրորդ փառաւոնի ժամանակ (1180-1148թ.ն.թ) երեաների կրած այդ փորձութիւնները ումանք դիտում են՝ որպէս Խորայէլի ժողովրդի ծննդեան պայման։

Նման զուգահեռ է անցկացում Մաշտոցի եւ Սովուսի միջեւ։ Մէկն առաջնորդեց Հին Խորայէլին, միւսը՝ Նոր Խորայէլին՝ Հայ ժողովրդին։

Շարականագիրը չի վարանում՝ Սուրբ Մեսրոպին համեմատելու անգամ Տիրամօր եետ, իսկ հայոց գիրը՝ Բանն Աստծոյ եետ։ Այդ հատուածը Գաբրիէլ Աւետիկեանը վերլուծում է այսպէս. «Անդ ի վեց տան («Որ խորերդեամբ») վայելուշ նմանութիւն դնի. իբր ասել...նկարագրեցաւ կամ կերպաւորեցաւ գիր կենդանի՝ ի մաքուր արգանդի մեծին Մեսրոպայ...որպէս եւ ի մաքուր արգանդի Կուսին կերպացաւ Բանն Աստուած մարմնովն՝ իբրև Գիր Կենդանի. զի որպէս գիր փակէ յինքեան եւ երեւեցուցանէ զայնն եւ զիմաստ բանին, այնպէս մարմինն Տէրունական յինքն կը գրի զնոգին Բանական եւ զԱստուածութիւնն Անմարմին».¹⁵

Ս. Մեսրոպ Մաշտոցի, Ս. Սահակ Պարբեւի եւ նրանց հետեւորդների ժառանգութիւնից նկատում ենք, որ նրանք չանք են արել, մասնաւորապէս շարականներով, այն աստիճանի սրբագրծել հայոց գիրն եւ նրա ասելիքը, որ մերձենայ, հպուի Ասուֆին, ներդաշնակի սուրբգրային բարոյականութեանը, որպէսզի բազմանոյրմարտակաւերներում անկումներից ոտքի կանգնեցնի՝ մարգարէի կանխասացութեամբ, ցրուած սահմաններ ժառանգած ազգին, դեռ աւելին՝ դուրս բերի նրան յաղբանակած ու վեհացած։ Դժուար չէ կուահել նաեւ, որ Մերոց Թարգմանչաց համար ոգեշնչչման աղբիւր է եղել թէ այն համոզուածութիւնը, որ Երկնային Զեռքն է գրել հայ

¹⁴ Տարական, էջ 692-697, Կանոն Սուրբ Թարգմանչաց։

¹⁵ «Տարականի վեցերրդ տան մէջ («Որ խորերդով...») վայելուշ նմանութիւն է դնում, ասւում է, որ իբր նկարագրուեց կերպարանուեց մարմնով Բանն Աստուած՝ իբրև Կենդանի Գիր. Քանզի հնչպէս գիրն իր մէջ պարփակաւմ եւ ցուցանում է նաեւ ձայնն ու խոսքի իմաստները, այնպէս Տէրունական մարմինն իր մէջ կրում էր Բանական Հոգին եւ Անմարմին Աստուածութիւնը» (Գ. Աւետիկեան, նոյն տեղում, էջ 550):

այլուրենը, թէ՛ Մաշտոցի մարմինն ուղեկցող Խաչալոյսը։ Դրանց մասին խնամքով ու երկիւղածութեամբ տեղեկացնում են Մաշտոցի ժամանակակիցները և ուղենիշ ընդունում՝ հազուագիւտ միակամ երկու խոշոր ուսուցիչների աշխարհայեացքը, վարքը եւ յայտնութենական վկայութիւնները։

Ամբողջացնենք մեր ասելիքը այդ ոգեշնչումը բացող կանոնական շարականներով, որոնք յագեցուած են տեսիլային գրականութեան պատկերներով, կանիսասացութիւններով և միաժամանակ գարմանալիօրէն պարզ են ու խորհրդապաշտ։

Հրաշափառ Աստըւած եւ միշտ բարեխնամող։

որ յառաջ գիտութեամբ զիրկութիւն

Հայաստաննեայց սկզբնաւորեալ,

ի Պարթեւական մեղապարտ ազգեն

Լուսաւորիչ մեզ շնորհեցեր։

վասն որոյ բարեխօսութեամբ սորա,

Փրկիչ, կեցո զմեզ այժմ

Եւ ի Քո յահաւառը գալստեան։¹⁶

Որ յարմատոց հարցն սրբոց

մեզ գաւազան բղիսեցեր

զիսահակ Սուրբ հայրապետ՝

եռվուել զիօս Քո, Քիստոս։

Որ զիսաւարն անգիտութեան

Հայաստաննեայց լուծեր։

զիմաստութեան ծագեալ զլոյս

սպաւ որդուց Թորգոմայ։

որ զիանդերձեալ խորհուրդ Քո, Տէր,

տեսլեամբ Սրբոյն ծանուցեր։

յիշատակի սորա ընկալ

գտօնողացս աղաչան։¹⁷

«Խոր է խորհուրդն ու վսեմ»:- Միայն այս բնորոշմամբ կարող ենք աւարտել մեր ասելիքը՝ բննական լայն ուսումնասիրութիւնը բռնիւղով ապագային։

ՍԱՍՈՒՆԻԿ ԱԼԵՔՍԱՆԵԱՆ

¹⁶ Ծարական, Կանոն Սրբ. Գրիգոր Լուսաւարչին Ելաներոյն ի Վիրապէն, էջ 558։

¹⁷ Ծարական Սրբոյն Խսահակայ Պարթեւի հայրապետին, էջ 572։